

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
KANTONALNO TUŽILAŠTVO-TUŽITELJSTVO  
ZENIČKO-DOBOJSKOG KANTONA  
Broj: T04 0 KT 0040587 19  
Zenica, 10.01.2020.godine.

**OPĆINSKI SUD U ZAVIDOVIĆIMA**  
- Sudiji za prethodno saslušanje –  
**ZAVIDOVIĆI**

Na osnovu člana 45 stav 2 tačka i) u vezi sa članom 241 stav 1 Zakona o krivičnom postupku F BiH, p o d i ž e m o

**OPTUŽNICU**

Protiv:

**HASUKIĆ NEDIMA**, iz Gradačca, osuđivan,  
Što je:

1.dana 02.12.2019. godine, oko 11,20 sati, na području općine Maglaj, dok se nalazio na mjestu suvozača u putničkom vozilu marke „VW Polo“ reg. broj ....., kojim je upravljao njegov poznanik M. A., tokom njihovog kretanja magistralnim putem M17 iz smjera Doboja prema Zenici, pod uticajem opojne droge „bromazepam“ fizički napao M.A. nakon što je isti odbio kupiti određene stvari koje mu je on nudio na prodaju, na način da mu je šakom zadao dva udarca u predjelu glave, a potom, u nastavku vožnje, kada je kod ručice mjenjača ugledao njegov novčanik u kojem se nalazilo gotov novac u iznosu od 40 KM i njegova lična dokumenta, s ciljem pribavljanja protivpravne imovinske koristi, isti uzeo u ruku u namjeri da ga prisvoji, pa kada ga je M.A. u tome pokušao spriječiti potegnuvši i on rukom za svoj novčanik, s ciljem da ukradenu stvar zadrži upotrijebio silu protiv M. A.a na način da mu je svojom rukom uvrnuo njegovu desnu ruku koju je ovaj prethodno bio skinuo sa volana, kako bi M. A. pustio novčanik, a potom mu šakom zadao nekoliko udaraca u predjelu stomaka i rebara iako je bio svjestan da usljed toga M. A. može izgubiti kontrolu upravljanja nad vozilom i tako dovesti u opasnost živote i imovinu drugih učesnika u prometu koji su se u tom trenutku kretali navedenim putem ali je olako držao da se to neće desiti, da bi M. A. tokom vožnje zbog ovih njegovih udaraca izgubio kontrolu upravljanja nad vozilom prelazeći naizmjenično sa svoje desne na lijevu saobraćajnu traku kojom su se kretala vozila iz suprotnog smjera čiji su vozači kočenjem i izmicanjem u desnu stranu izbjegavali sudar sa njegovim vozilom istovremeno ga upozoravajući svjetlosnom i zvučnom signalizacijom na takvu njegovu rizičnu i nepropisnu vožnju, pa kada je M.A. konačno uspio istrgnuti novčanik iz ruke i prisvojiti ga, po ulasku u tunel „Sikola“ kod Maglaja, kada je ovaj zbog straha, povremenog gubitka svijesti i pretrpljenih bolova uspio zaustaviti svoje vozilo u tunelu a potom iz njega istrčati, sjeo za upravljač njegovog vozila te se bez cilja pribavljanja protivpravne imovinske koristi nastavio sa istim kretati prema Žepču, a potom prema Doboju nakon što se po izlasku iz tunela sa istim okrenuo , te ga tako od M. A. protupravno oduzeo nanijevši mu pri tome i lake tjelesne ozljede u vidu nagnječenja grudnog koša i nagnječenja sa krvnim podlivom oko desnog oka, te izazvao opasnost za živote ljudi koji su se u svojim vozilima kretali navedenim putem,

2.dana 02.12.2019. godine, oko 11,40 sati, na području općina Maglaj, nakon izvršenja krivičnih djela opisanih pod tačkom 1, kada je od strane policijskih službenika PS Maglaj prisilno bio zaustavljen u mjestu Poljice, i to nakon nekoliko njihovih upozorenja putem megafona i zvučne i svjetlosne signalizacije iz policijskog vozila sa kojim su ga pratili da to učini, o koja upozorenja se on više puta bio oglušio, dok se nalazio pod uticajem opojne droge „bromazepam“ upotrebom sile pokušao spriječiti policijskog službenika PS Maglaj Š. E. u vršenju službene radnje koju je obavljao po patrolnom nalogu PS Maglaj broj: ..... koja se odnosila na njegovo lišenje slobode, na način da je prilikom izlaska iz vozila marke „VW Polo“ reg. broj ....., šakom zadao Š.E. jedan snažan udarac u predjelu desnog ramena a potom i nogom u predjelu njegove lijeve noge kako bi ga onemogućio u toj radnji u čemu nije uspio jer je brзом intervencijom drugog policajca B. N. bio lišen slobode kojom prilikom je nastavio „mahati“ nogama prema policajcima i opirati se, pri čemu je Š. E. nanio lake tjelesne ozljede u vidu nagnječenja lijevog koljena i lijeve ruke u predjelu nadlaktice,

čime je počinio u sticaju krivična djela: razbojnička krađa iz člana 288 stav 1 KZ F BiH , oduzimanje tuđe pokretnine iz člana 291 KZ F BiH , izazivanje opće opasnosti iz člana 323 stav 4 u vezi stava 1 KZ F BiH i spriječavanje službene osobe u vršenju službene radnje iz člana 358 stav 3 u vezi sa stavom 2 u vezi sa članom 28 KZ F BiH.

Predlažemo sudu da osumnjičenom Hasukić Nedimu produži mjere zabrane izrečene Rješenjem tog suda broj: 42 0 K 048932 19 Kpp 3 od 26.12.2019. godine jer za iste i dalje postoji potreba do okončanja ovog krivičnog postupka.